

Балгъсна комсомольск организацд ӧсхднь кӧрнъг бӕанӕ

Пролетариатин вождь В. И. Ленинӕ бурдӕсн дӕӕч организацин член—комсомолец болхар эс седдг кун мана багъчуд дотр бӕӕхий?

Ленинск комсомолин хаалгънь зовлнъгта болвчн туурмджта билӕ. Гражданск дӕн, негдгч тавн джилӕ тосхлт, Тӧрскӕн харсгч Алдр дӕн, ӧшӕтнӕ эвдӕд-хамхлчксн эдл-ахуг дӕанӕ хӧбн хӕрӧ яедж тосхлгън, кесг сай гектар эмнг болн эмнгшрсн газр хагълдж олзлгън—эн тоотд оньдиндӕн орлцад, комсомол кезӕ чигн партин иткмджтӕ нӧкднь болна.

Комсомолд орджах багъчуд тер ӧдрӕсн авн олн сай комсомолин буллӕ эврӕннь джиргълӕн залгълдулна.

Комсомолд багъчудиг орулдж авлгъна тӧрт эклц комсомольск организацс тус йилгълӕн оньган ӧгч, тедниг белдцхӕх зӧвтӕ.

Элт балгъснд эн кӧдлмшт уха-седклӕн ӧгч кӧдлджӕхнь: селӕнӕ эл-ахун механизацин училищин эклц комсомольск организац (сеглӕтрнь ур А. Беспалова), негдгч дундин школин (сеглӕтрнь ур Т. Воронцова), хойрдгч дундин школин (сеглӕтрнь Л. Сенникова), нань чигн организацс. Эн комсомольск организацсин комитетст ӧдр болгън гилтӕ кӧвудкӧуқд ирдж, комсомолд орулдж автн гисн эрлг ӧгцхӕнӕ.

Болв ним бӕӕдл зӕрм комсомольск организацсд уга. Хойрдгч номертӕ тосхлтин управленӕ (сеглӕтрнь ур А. Надбитов), АТК-н (сеглӕтрнь ур С. Миронов), „1-е Мая“ артелин (сеглӕтрнь ур А. Кабыл-

кина), Россовхозтрансин (сеглӕтрнь ур А. Ахремеев), „Буратинский“ совхозин (сеглӕтрнь ур А. Киселев), Ленинӕ нертӕ колхозин (сеглӕтрнь ур Л. Кучерова) комсомольск организацсин ӧслтднь юн харшлт болджахмб?

Эн комсомольск организацсин ӧслтнь му болдгнь—багъчуд дунд политическ сургъмджин кӧдлмш сул болсна учр, кӧдлмшӕн багъчудас салу келгън, теднӕ бӕӕх бӕӕдлд, кӧдлмштнь оньган эс ӧглгън.

Элт балгъсна комсомольск организацсин ӧслт му болджахинь,—тооцана замд 284 кӧу комсомолд орулдж авсн ВЛКСМ-н балгъсна комитет кӧдлмшӕн сулар делгрулснӕ уршг гидж балгъсна негдгч конференцин делегатир чикӕр заалж келцхӕлӕ. Бӕӕрн келнӕмтнӕ багъчудас комсомолд орулдж авлгън хашнь болдг дегд хаджгър. Балгъсн эргнд бӕӕдг Ленинӕ, Сталинӕ нертӕ, „Страна Советов“ колхозмудт кесг олн багъчуд ирв, болв эн багъчудла кӧдлмш кецхӕхш.

Комсомольск организацсин бӕӕх бӕӕдллӕ ӧбрдхдж таньлдулхин, теднӕ ӕдл зӧвтӕ чледӧдвдн гих седкл ӧгхин тӧлӕ багъчудт сӕн амрлгъна асхн, нӕр-наад бурдӕх, умшсн дектрин болн хӕлӕсн кинон тускар кӧур-кӧуӧндвр кегӕад тедниг джилвтӧлх кергтӕ.

ВЛКСМ-н зерглӕнӕ ӧслт—икчинртӕ тӧр, тер учрар эн тӧрӕс комсомолин комитетс оньган сулдгъх зӧв уга.

Л. КОШЕНКО,

ВЛКСМ-н балгъсна комитетин бюрон член.